

Estd

1997

Z.B.Y.F. TAANGKO

(An Organ of the Zomi Baptist Youth Fellowship)

LOM - X1 : HAWM X v MONTHLY BULLETIN v October 2010



| A sunga thu omte | Laimai |
|--|---------------|
| Jonah tunga Pasion lungtup <i>-Sianu. Awi Ngaih Lun</i> | 3 |
| Zo Pau In <i>-Tg. Paua</i> | 3 |
| Tan 10zo thakte kilungdampih | 3 |
| 8th ZBYF Triennial | 4 |
| 19th ZBYF AC cum Seminar | 4 |
| Area Khoppi nop tak zang | 5 |
| Champhai Area BYF in hunkhat <i>-Pa Kai Kap</i> | 6 |
| Champhai BYF in ZBYF Day zang <i>-President BYF</i> | 7 |
| Kuaten bang gen? | 8 |
| Dahpihna | 8 |

EDITORIAL BOARD

Editor :

Awi Ngaih Lun

Joint Editors :

K.Lang Kap

Z.L.Thang

News Editors :

Rev. Cin Khan Tuang

Sia Kham Suan Pau

Cir. Manager :

Mamuang

Tech. Assistant :

Tin Sawm Lian

ZBYF MAKAITÉ

(2008 - 2010)

President :

K.Lang Kap

Vice President :

Kham Suan Pau

Secretary :

Awi Ngaih Lun

Recording Secretary :

Z.L.Thang

Asst. Rec.Secretary :

Thang Lian Mung

Ex-Officio Member :

Rev.Suan Khan Thang

Committee Member te :

1. *Nang Sian Mung*
2. *Kap Go Thang*
3. *Thawng Za Muan*
4. *Khup Khan Pau Ex-Hav*
5. *Tg. N.K.Hau*

Editorial...

Khawmpi i ci hiam, khoppi i ci zaw hiam zat pen a cimtakuai danin ngaihsutna bang om kha thei zel hi. Khoppi ah zindo pawlpi mite leh a vai saite gim thei mahmah uh a, zan ihmuh loh lawh phialin a hun uh zangin, zinte nek ding bawl kul teng tawh, gim thei mahmah uh hi.

Leitung vai in ngaihsun lehang hici banga kimuh khop loh hangin Pasion phat theih veve a, sum leh pai tampi bei in hibang vai hawm tak kei zong, kici kha thei hi. Himah taleh Pasion mite kimu khawm a, Pasion biak khopna hi ahih manin khoppi i cih pen manpha in thupi phadiak hi.

Pasion mite khua tuamtuam panin pai khawm a Pasion i biak khop tak ciangin a nop dan nam tuam hi. Pasion thupina kilang semsem a, thathak kingahlawh den hi. Sum leh pai tampi a bei zongin khoppi bawl pen zongsat huai mahmah hi. A misiangthote biakpiakna pen Pasion muhna panin bangzahin etlawm ding hiam? *Sanggam bangin mite pumkhat suakin a tutkhop uh ciang bangzahin hoihin nuam ahi hiam? (Late.133:3)*

Commonwealth Games

Commonwealth Games 19 veina ni 2.10.2010 in New Delhi a Jawaharlal Nehru Stadium ah Prince Charles in hawng hi. A honna hun nai thum sung zang uh a, India gam thupina leh a gam lam tuamtuum kilak a, muhnop tuamtuum zong kisuah hi. India President Pratibha Patil leh Prime Minister Dr. Manmohan Singh te banah mi poimawh bangzah hiamin uap uh hi.

2010 Commonwealth Games ah gam 71 khat panin kimawl mi 4,800 kihel hi. Kimawl na tuamtuum nam 17 tawh kimawl in, mun 12 ah, ni 12 sung kimawl uh hi. A buppi ah khatna Australia in ngah a, India gamin Gold medal 30 la in a 2-na ngah hi.

2014 ciangin Commonwealth Games pen Glassglow ah tungkik ding hi.

Kum 1930 in British Empire Games ci in Canada ah kimawl na a khatveina nei hi. Min tuamtuum pua sak in 1978 panin Commonwealth Games cih min pua hi. Hih kimawl na pen Kumpinu uk sa gamte kimawl na hi a, 2006 in a nunung pen Melbourne, Australia ah tung a, hi hunah Australia in

gold medal 84 lain khatna ngah hi.

Nobel Prize in Chemistry

2010 Nobel Prize in Chemistry sang dingin mi thum kiteel khia a, tuate :- Americ panin Richard Heck leh Japan panin mi nih Ei-ichi Negishi leh Akira Suzuki te hi uh hi. Amaute in Cancer test na zatui leh Computer screen pan zaw bawl theihna chemical method a bawl kheh hangun kiteel hi.

University Convocation

Ni 24th Sep.2010 in Mizoram University in a Campus a Multi-purpose Hall ah Convocation 6 veina zang uh a, President Pratibha Devisingh Patil in zatpih hi. Hih Convocation ah mi 320 tungah degree Certificate pia hi. Gold medalist ngah mi 27 pha a, Book Prize ngah mi 13 pha hi. Certificate ngah sung panin Doctor of Philosophy mu thak 6, Master of Philosophy zo mi 5 zong kihel hi.

Mizoram University pen kum 2001 in kiphuan a, tu in department 28 nei in, laisim 1600 bang om a, a nuaiah college 26 om in laisim 7,368 om hi. Department thak -Mass Communications, Hindi, Coputer Engineering leh Electrical Engineering zong hon sawm hi.

To

From :-

ZBC Office,
Bethel Veng,
Champhai - 796 321
Mizoram, INDIA

JONAH TUNGA PASIAN LUNGTUP

(Jonah 1:3,4)

-Sianu Awi Ngaih Lun

Pasianin mikim tungah sep ding tavuan guan a, a liat leh neu lam hi lo in, a sep zawh khom ding uh nasep guan ciat hi. Tua mah bangin Amittai tapa Jonah tungah zong nasep ding guan hi. Tawlkhat sung sem nuam lo in, Pasian taisan hi. Pasian tawh aki gamlat hun sung khempeuh gimna nasia tak thuak a, tua khit ciangin a nungta tawntung Pasian sawl nasep sem a, Nineveh khua mite in suahtakna ngah lawh thu tawh holimna i nei ding hi.

Jonah in Pasian thumang lo : Pasianin Jonah tungah tavuan poimawh tak pia a, a lian mahmah Neneveh khuapi ah thuhilh dingin sawl hi. Pasian nasem khat hi napi in Jonah in Pasian thupiak mang nuam lo hi. Ama sep theih ding cianga akisehsak sep ding awlmawhna nei lo hi. Tuhun ciangin zong Pasian nasem hi napi a thu mang lo kitam mahmah ta hi. A zat theih dinga kipiakna pen akisampi khat hi napi Pasian sanga tungnun nopna in hong buaisak a, ama ukna nuaia om ihih lam phawk kha nawn lo in ki om zel ahih manin i nasepna ah mite in nuntakna ngah theih lo hi. Khangno thazang hi napi in Pasian zat theih loh kitam ta hi.

Jonah in Pasian taisan : Thumang lo Jonah in Pasian taisan hi. Pasian kianga om a, a thu thu a nungta ding kim lai Pasian kiang panin tai khia hi. Ama deih teelna ngei in Pasian kiang pan tai khia a, tuipi tungah tuahsiatna lianpi tuak hi. Pasian kiang a tunma tengin gimna tampi thuak a, ngapi gil sung nangawn kidenna hi. Gentheihna leh lungkhamna in buak gawp hi. Amah guakin kihut theih dan om lo, cimawh zawngkhalin a hun leh nite zang hi. Tuhun khangnote dinmun en lehang Pasian thudon nuam lo a a taisan kitam lua ta. A thu nungta zaknopna mel thei lo a, biakinn sangin mun simtham a zuan nuam tam ta. Pasian sangin thupi sak zawk kihau ahih manin pumpi in siat lawh hi. Pasian kiang pana tai khia mi peuhpeuh ma pai thei lo in, gentheihna leh lungzinna tawh kidim hi.

Pasian kiang zuan kik : Ngapi gil sungah ni thum leh zan thum gimna leh tawlana a thuak khit ciangin cimawh mahmah ta a, ana a sepsak nop loh Pasian kiang zuan kik hi. Kiniamkhiatna puan silhin Topa mai ah thu ngen hi. Tuipi sung ah si thei dinmun a ding kim lai suahtakna a ngah man leh a thungetna dawna a om manin lungdamkohna Pasian tungah pia hi. Haksatna mun panin a honkhia Pasian lungkim a, ngapi gilsung panin hotkhiatna ngah hi. Kisikin Pasian kiang a zuan mite Pasianin sang hi. A cinlohna leh hoih loh nate phawkin neih sak nawn lo in, ahihna bangbangin sang hi. Bangzahta in mawh in khial ta leng, Pasian kiang pan gamlapi i tai khin kha phial zongin kisikin ama kiang a zuan kik nuamte

adingin mun om hi. Nuntak tawntungna a nei Topa kiang zuante in suahtakna ngah hi.

Pasianin Ninenveh khua ah sawl kik : Hici zahta gimna thuak khin mah taleh Pasianin a nih veina dingin Nineveh khua ah Jonah thuhilh dingin sawl kik leuleu hi. Jonah in paulap bangmah bawl nawn lo in Topa sawlna bang mangin Nineveh khuapi ah pai in, ‘ni sawmli khit ciangin hih Nineveh khuapi kisusia ding hi,’ (Jon.3:4) ci in kiko hi. Pasianin Jonah thugente thupha pia a, Nineveh khua mite kisikkik in Pasian um uh hi. A lian a neu, a kumpipa na dongin puanhampi silh uh hi. Pasian nasepna ah Pasian deihna banga nasepin gahpha suah hi cih kitel hi. Jonah in Nineveh khua mite a mawhna uh panin a kisik kik theihna dingin thu tampi a zat kithei lo hi. Pasian seh zah ciang thu hilh a, a thugen kammal Pasianin thupha pia a, mite in Pasian sungah nuntakna ngah uh hi. Mite in Pasian a muh theihna dingin Pasianin a vanzat bangin hong zang thei hi. Kei cing keng, siam keng, ci lo in phak bang ciang tawh kalsuan photphot lehang i sep khiatte leh i gen khiatte Topa in thupha hong piaksak thei hi cih Jonah nuntakna panin kitel mahmah hi.

Pasianin Jonah tunga a tup : Pasianin zuau gen ngei lo hi. Kam a pau ciangin a cih taktak hi pahpah ahih manin a thu thupi ngaihsut den ding ahi hi. Hici zah a Pasian thumang lo in taimang san mah taleh nikhat ni ciangin Jonah in a dinmun kitel a, kisikin Pasian kiang a zuat tak ciangin suahtakna lianpi ngah hi. Topa pen a kamciam ah pel ngei lo a sawl ngeina mah bangin Nineveh khuapi ah thuhilh dingin Jonah sawl kik teitei hi. Topa sawlna bang mangin Jonah zong kuan khia a, hi munah Pasianin thupha pia in a thuhilh kammalte Topa in zatsak ahih manin a siacip ding Nineveh khua mite Pasian kiang tunpih hi. Pasianin Jonah tungtawna a sep nop penpenin Nineveh khua mite kianga nuntakna thu gen ahi hi. A thu nial mah taleh a tawpna ciangin Pasian deihna tangtungsak hi.

Tuhun khangnote dinmun i et ciangin mi tampi sihna hell lam zuanin tai uh a, honkhia ding mi kiasm hi. Tua hotkhatna nasem dingin nang leh kei Topa in hong zang nuam a, ikipia ngam ding hiam? Ahih kei leh taisan zaw mai ding i hiam? Limtakin ki ngaihsun ni. Pasian zat theih dingin iki piak ngam leh Amahin hong zang ding hi. Amah ah ki ap ngam a, akipia mite Topa in thupha pia in, amaute sung panin nuntakna tui luang khia sak hi. Jonah zong Pasian zat theihin akipiak khiat tak ciangin, a kammal ging khiate mite in nuntakpih hi. Tua ahih manin i khangno hunte Topa adingin ap ni. Ei hatna hilo in, Pasian thahatna suangin a nuam ah hita leh, a nop loh hun ciangin zong a nasem dingin kalsuan khia lehang, Topa in hong zang ding hi.

ZO PAU IN

-Tg. Paua, New Champhai

Zomi i cih ciangin “Zota, kawlgam vai gam leh mun tuam gam tuama om i sanggamte, i cipih sapih, i pu i pate pan a tuhun khangthak hun dong a, a suan a khakte uh” cihna ahi hi.

Nam dangte i bat lohna Ei Zomite in minamdangte i bat lohna pen i pau i ham i zumpihna ahi hi. Mikang mipil pain, “Mipil na suah nop leh na pianna na nu/minampau na lian sakin” ci hi. Mipil i cihte in amau minam pau na lian sak zel uh hi. Nang zong mipil nahih nop leh....

Zomite, migam khat peuhah i om ciangin i omna gam pau pen eima pau isa uh a, zong ahi thei mah hi. Ahi zongin pau dang i zat hangin amaute in ong pi muh tuan lo uh a, ong zahtak tuam tuan lo uh hi. I biak Pa Pasianin minam kimte amau pau ciat a Amah bia a, a pahtawi dingin hong deih a, tua hi a, ei Zomite in zopau a Amah i biak ding hong deihin, zong i biak ding a kilawm ahi hi.

Namdangte gamsunga om ihih leh zong a hun leh mun zilin zopau i zat i khensiam kisam hi. Mikangte paunakin “Mipil nahih nop leh a hun leh mun khensiamin” na ci hi. Biakinn sung leh eima mimal inn sungah zopau i zat hamtang ding kisam kasa hi. Biakinn leh eima huangpua pial khin leng i zopau i zat nang om nawn lo hi. Misi inn leh vengsung paikhopna khatpeuhah zopau zat ding zong i khensiam kisam mahmah hi.

Zomi nahihna tualniam kisa tuan kei in la, namdangte sanga i niam zawkna om tuan lo hi. Gam khangto i cihte pen amau minam pau pi ngaihsut uh hi. Zomi nam khantoh nangin zopau mah i pi ngaihsut a ihih leh namdangten ong zahtakin ong pi et ding uh a, namdangte etteh tak suakin i minam i khangto ding hi. Zomi nahiha Zogam khantohnang na deih leh a bul panin nang leh kei in zogam leh zomi ading ihih theih ciat ...in...zomi nahih leh “Zo Pau in.”

TAN 10 ZO TE KILUNG DAMPIH HI

Mizoram Board of School Education in old course tan 10 result suaksak a, aki theihna ciangah hih anuaia te in lawhcinna ngah hi :

- | | | | |
|----------------------|----------------------|----------|-----|
| 1. Lia Malsawmtluang | d/o Upa Bawithang | Champhai | III |
| 2. Lia Dim Neih Cing | d/o Upa Cin Pau | Murlen | III |
| 3. Lia Muanpui | d/o Upa Khen Za Pau | Hiangmun | III |
| 4. Cing Ngaih Dam | d/o Pa Suan Khaw Pau | Hiangmun | III |

Lai simna tawh kisai a tan 10 zo thak te Taangko Editorial Board in kilungdampih mahmah hi. Mabanah zong Topa Pasian thupha ngah a, kalsuan to zel thei dingin kideihsak hi.

8th ZBYF TRIENNIAL CONFERENCE

1. A hun leh mun :

A mun : ZBC Biakinn, Aizawl

A hun : 18-20, March, 2011

3) Tg. Khup Za Khai

4) Sianu Hoihnu

5) Lia SB Cingboih

2. Thulu : 'Pasian naih un'

(James 4:8)

3. Speaker : Rev. S.Neng Za Khup

4. Kidemna ding te :

1) Lapawl

2) Quiz

3) Khawmpi pai tam (khua BYF member phazah pan member pai zah sim ding hi. AC 2010 member phazah kisiksan ding hi)

4) Khawmpi sung gamtat zia (Discipline)

5. Kidem dingte :

I. Lapawl kidemna la ding in 'Na Khangno hun aam un' cih hi ding hi.

II. Quiz kidemna ding te:

1) Bible-Paunak 20-30 -50 marks

2) ZBYF Handbook -25 marks

3) ZBC gamsung -25 marks

Quiz sai ding in Tg. K.Josef leh Tg. Hau Khup kiseh hi.

7. Kidemna endik ding te :

Lapawl ah

1) Upa T.ThangConvener

2) Upa Gin Za Go

3) Upa Gin Mang

4) SB Tual Dal

5) Rev. Cin Khan Tuang

Discipline ah

1) Elizabeth Hau Sawm Vung

2) Dr. Hau Za Cin

8. La makai ding te :

1) Pa Thang Khen Muang Champhai

2) Pa JM Muan Sesih

3) Upa Hang Thawn Tuang Aizawl

4) Tg. Kap Thang Shillong

9. Music tum ding te :

1) Tg. David Go Lian Piang

2) Tg. K. Josef

3) Pa Thang Thang

4) Pa Lang Deih Piang

5) Tg. Hau Khup

19th ZBYF Annual Council cum Leader Seminar

A mun : ZBC Biakinn, Champhai

A hun : 11-12 November, 2010

Ni 11.11.2010 zing nai 7 panin nitak nai 4 dong Leader seminar om ding hi. Sia Nang Sian Mung 'Khangno leh Mobile phone,' Sia Zam Sian Pau in 'Zolai leh siamna' thu hong sinsak ding hi.

Ni 12.11.2010 zing nai 7 pan nitak nai 4 dong ZBYF Annual Council om ding hi. Hih hunah a kihel ding in Branch BYF pan tangmi 2, ZBYF Central Committee teng, ZBC President, ZBC Accountant hi ding hi.

ZBYFAC palai dingte hi hunah pai kim ding in iki cialin iki theisak hi.

-Secretary, ZBYF

AREA KHOPPI NOPTAKIN KIZANG HI

ZBC gambup Area tuamtuamah Area khawmpi kizang a, Aizawl leh Shillong Area cih loh Area dang panin a nuaia bangin report kingah hi :-

Champhai Area : Champhai Area in Ngaizawl ah khoppi tung hi. Khoppi sim mi 140 pha hi. Speaker mi nih Upa Cin Dong leh Sia Zam Sian Pau hi a, amaute in ‘Kisinna’ I Tim.4:8 cih thulu zangin hanthotna pia uh hi. A thugente uh ngaihnuamin a thungaite in lawhcing kisa mahmah uh hi. Nino ni sun kikhopah pawlpi lapawl kidemna om a, 1-na Zokhawthar, 2-na Ngaizawl, 3-na New Champhai in ngah hi. A zan pen Area BYF te makaihna tawh hun zat hi a, hih hunah Area BYF President Pa Kap Kapin hansuahna pia hi. Hih hunah BYF lapawl kidemna om a, 1-na Champhai BYF, 2-na Ngur Vengsang leh Sesih BYF, 3-na New Champhai BYF in ngah hi. Nipi ni sunin Topa annkuang umkhopna Rev. Cin Khan Tuang makaihna nuaiah nei a, hanthotna hun Upa Zam Za Langin zang hi.

Biakpiak kikhop dak masa ginma akipanin Pasion phatna lasakna hun sawt zek nei zel a, kuamapeuh lasak lawpin lamna dianna leh Zion lapite sa in hun nop takin zang uh hi. Kikhop simin khua tuamtuam panin lapawl leh solo om den a, Ngaizawl BWS te in biakpiak kikhop simin phatna lapawl nei den uh hi.

Ngaizawl pawlpi in zin khempeuh mun khatah an vak a, sunin niangtui leh moh limtak nesak in zinte tai mahmah uh hi. Upa Thang Khan Zuangte innkuanin zinte vok lianpi gawh uh a, Upa Pau Sawm Mangte innkuanin niangtui leh moh tawh vakin, Upa Dal Lian Thangte innkuan in zinte nek dingin zasan pia uh hi. USA a om Pa Gen Lian Thang leh a zi Dim Suan Vungte in Rs.30000/- val in khawmpi huhna pia hi. Pasion mite adingin huhna tuamtuam a pia mite tungah Area Committee in lungdamna lianpi ko hi.

Sialkal Area te hun zat dan tangpi : Teikhang ZBC biakinn ah Sialkal Area in khoppi zang uh hi. ‘I gamtatna sate ki en kik ni’ Kah la 3:40 thu tawh Speaker Evan Zel Thangin hanthotna gen hi. Pa GK Mang in hun nih zang hi. Nino sun kikhop tawp ciang Teikhang leh Hiangmun BYF te makaihna tawh fellowship hun nuam takin nei uh hi. Nipi ni sun kikhop ah lapawl, solo leh recitation kidemna nei uh hi. Lapawl 1-na Teikhang, 2-na Hiangmun. Solo ah 1-na Lia Niangno Teikhang. Recitation kidemna ah 1-na Lia Khawlnu Teikhang hi uh hi.

Khoppi hun sungin innkuan khat member 7 pawlpi ah kipia a, Rev. Dai Do Thangin apna nei hi. Zindo pawlpite in zinpi mun nih bawl a, numei leh pasal a tuamin tungsak in, mun khat ah ann vak hi. Lasak nuam sa uh a, thugente lawhcing kisa uh hi. Zindo pawlpite kipiakna thupi in nuam takin khawmpi zang uh hi.

Hnahlan Area : Hnahlan Area in Hnahlan ZBC biakinn ah khawmpi tung hi. Pasion phatna leh biakna hun limci tak zang uh a, kha lam leh sa lamah tai kisa uh hi. Speaker Rev. Suan khan Thang tung tawnin thulu ‘Na omzia uh limtakin kingaihsun un’ (Hag. 1:15) cih gen hi. Upa Do Cin Thang, Sianu Hoihnu leh Evan Lian Go in zong hansuahna hun khat ciat zang hi. Khoppi hun sungin lapawl leh recitation kidemna om a, thaman ngah te :- BWS lapawl kidemna ah 1-na Murlen BWS. BYF lapawl kidemna ah 1-na Hnahlan BYF in ngah hi. Recitation kidemna ah 1-na Nu Hau Don Kim Hnahlan in ngah hi. Letsong te pen Nu Ciin Deih Ciin Vapar khua in siksak hi.

CHAMPHAI AREA BYF IN HUN KHAT

-Pa Kai Kap, President Champhai Area BYF

Champhai Area Khoppi 11-veina ni 30th Sept-3rd Oct. 2010 sungin Ngaizawl ZBC Biakinn ah kizang a, hih hun sungin hun khat nino nitak biakpiakna pen Champhai Area BYF makaihna tawh hun nuam tak kizang hi. Kha lam leh sa lamah kitai in nuam kisa mahmah hi. Khoppi zin dote kipiak zawhna leh pan khopna uh thupi ka sa hi. Khua tuamtuam khangnote zong lawp mahmahna lungsim tawh Topa na sem dingin kipai khawm a, lamna dianna tawh, nino zanin hun khat ka zang uh hi. Khoppi pai BYF member 78 kipa hi.

Hih hun sungin, kidemna kinei thei a, lapawl ngaihnap mahmah branch tuamtuamin siam taka ong sak uh kingaikhi a, lapawl lamah mai kinawt mahmah ta hi. Lapawl kidemna ah 1-na Champhai, 2-na Ngur Vengsang leh Sesih, 3-na New Champhai te hi. Khoppi ah BYF member pai a tam pen Ngur Vengsang BYF tungah letsong kipia hi. Lapawl leh solo khangnote tung panin kingai khia zel a, zaknop in tha kingah thei mahmah hi.

2009 Oct-2010 Sept. Champhai Area BYF Report anuaia bang hi. Champhai Area BYF sungah branch 8 om a, Pasal 193 leh Numei 124 pha in member buppi 317 kipa hi. Pawlpi ngeina tawh kiteng kop 2 om hi. Lai tan 10 zo 20 om a, 12 zo 12 pha in, BA zo 5 om a, mi 2 in MA zo hi. Kumpi nasem 5 om hi. Area BYF nasep tangpi : Lai Siangtho Kah la sung exam-na kinei a, branch kipa tuah hi. Pastor Quarter ah tui minsa koihna Rs.1600/- man kilei hi.

Nino sunin R.O. dinga kiseh Rev. Cin Khan Tuang makaihna tawh kum 2011-2012 sung makai ding kiteel a, hih a nuaia teng kiteel cing hi :-
President : Pa Kai Za Kap Champhai, Vice President : Upa Pum Pian Thang New Champhai, Secretary : JM Cin Muan Lian Sesih, Asst. Secretary : Tg. Kai Lian Kap New Champhai, Treasurer : Lia Lian Do Kim Champhai, Fin. Secretary : Pa Nang Khan Cin Champhai te kiteel cing hi.

CHAMPHAI BYF IN ZBYF DAY NUAM TAK ZANG

-President BYF, Champhai

A 22 veina ZBYF Sunday hong piankhiatna i ngaihsut sut ciangin Pasion leh makai masate pilna leh vaihawm siamna, cihtakna tawh a kalsuan toh uh ciangin, ZBYF Sunday hong piangin kum simin ZBC gambup ah khangno ten zang to zel ihih manin, Pasion leh makaite tungah lungdamthu i puak hi. Champhai BYF ten hih ni thupi pen a manpha thei bang penin ni nih sung pikpek kizang a, kimawlna, fellowship leh biakpiakna hunin kizang hi.

Ni 18.9.2010 nino ni sunin, New Champhai P/S tualah New Champhai BYF te tawh Volleyball tawh kimawlna kinei hi. Rev. Cin Khan Tuang in kimawl honna leh thungetna hong neih sak a, kimawlna ka pan uh hi. Nuam takin hun khat ka zang uh hi. Nitak an Upa Ngul Sian Thangte in ah BWS New Champhai an limtak hong huan kine in, gilvah in kitai mahmah hi. A ne mi 60 val kipha hi.

Zan lamin New Champhai biakinn ah biakpiak kikhop hun kizang a, Lia Lian Do Kim in hong makaih hi. Champhai BYF ten phatna lapawl zong ka nei uh hi. 'Pawlp i thahatna pen' cih thulu zangin mi 6 tung pan debate kingai khia hi. Mover ah Tg. Cin Sawm Lian Champhai Leader, Tg. Paua New Champhai leh Lia. Cing Lian Zo New Champhai te ahi uh hi. Opposition panin Tg. Dal Suan Kham Champhai Leader, Tg. Vum Khaw Lian New Champhai leh Tg. Pau Muan Lian Champhai te hi uh hi. A thugente uh zaknop in kisin ding tampi hong neisak hi. Lia Cing Khaw Lun Champhai leh Tg. Tuang Sian Muang New Champhaite tung panin solo kingaikhia

hi. Short Sermon Tg. Kai Lian Kap New Champhai tung pan khangote zuih dinga thu manpha tak kingai khia hi. Khangno tup leh ngim New Champhai BYF tung pan pulakna hun hong zang uh hi. Upa Ngul Sian Thang New Champhai in letsong te ong hawm sak a, nuam takin biakpiakna hun kizang hi. Hun man ciangin theitui kidawn leuleu a, dawn khit ciangin by car tawh Champhai ka zuan to uh hi.

Kimawlna hong hon sak Rev. Cin Khan Tuang, letsong hong siksak Pa Lal Siang Lian leh Upa Dam Khan Go te, moto tawh hong kha Pa Cin Ngaih Lian, an limtak hong huan sak New Champhai BWS te leh letsong hong hawmsak Upa Ngul Siente tungah ki lungdam mahmah hi.

Ni 19.9.2010 ZBYF Nipi zing kikhop ah hun uk : Pa Henry Piang, hun pan : Lia Ning Sian Mang, Sumpi ap : Nu Mang Khaw Dim BWS President, Sermon : Rev. Cin Khan Tuang, hun zawh lungdamkohna : Upa Z.K. Thang Adviser hi uh hi. Biakpiak kikhop ah BYF lapawl nih vei kinei hi. Kikhop man ciang niangtui leh moh kine a, nuam takin ZBYF Nipi kizang hi.

KUATEN BANG GEN?

Sun ann a tuun nuam peuhpeuhin polythene leh saphuklai tawh tun theih ding hi. *-Upa Pau Sawm Mang Nzl*

Nuihnuih sang a nuam zaw khat bek om... *-Tg. Pau Lian, Cpi.*

Khawmpi sung ka pa manlah takin ciai *-Lia Mawii, Cpi*

Ngaizawl zong kitung man nai lo a, papiten ong phone paih song. Kifo phone kul lopi hi..hi..hi..

-Nu Ngaih Ning, Cpi

Hnahlan lamte na dam zel uh hia? Khoppi lai phawk zel hi veng aw...

-Tg. Kawla, Mln.

Area khoppi tung kik mengmeng leh ut sing..ngaklah takta ing..

-C.L.Vung, Mln.

Pasian pen ei banga gilo hi leh hong satlum khinta ing hi ven...

Upa Do Cin, Vkt.

Area khoppi bei baih lua, kham zo nai keng, lunglengsak lua...

-Lia. Neih Kim, Mln.

Pasian thu gengen leng ka lungkim. Pangzawl numeinote ong nuihsan sese dah un. Ka ut tiang zinkhia lel tong..

-Jk Cinpu, Pangzawl

Sorry, Uisa duh tak hi veng maw.. Ka ui taisuah kha veng...cil phul keii...

-Upa Thawng Khup, Hmn.

‘Tu leh tate masuanin’ a cih mah bangin tute tawh khawmpi ah pai in lam peuh leng a hoih hi mai hi.. *-Upa Go, Ncpi.*

Kawlsing sweet mah lim ngiat sa ing. Ne ne leng khum semsem hi lo hia.. Nu Dim (zkt) *-Upa Sanga, Vtr.*

Area khoppi lapawl a khatna ka ngah uh pen khatna tung lam a ngah bangin kingaihsun ing. Siam mahmah kahih tak uh cianga.. *-Upa Z.K.Dong, Zkt.*

Lantlangah cimawh zawngkhal in ka om. Hong hon ding om lo hiam?

-Pa Thang Lian Mung, Hln.

Mi i gensiatsiat leh mite hong gensiatna zong i puak zawh kul hi.. *-Sia Lun, Cpi*

Champhai pawlpite na ha uh na tat hiam memeng vo. Pawlpi Silver Jubilee nai mahmah ta hi. Khrimas zo leng a hun hi mai lel ing ahi. Hiam man o kha taw...

Pa T.Thang, Cpi

Pawl sawmte chu.. a baih em mai! Kan ziak a, kan ong mai alawm...

-Lia Muanpui, Hmn.

Khawmpi i pai ciang a hang theileng hoih ta ding hi. *-Robert N.K.Hau*

I cih sam hang Ngaizawl khawmpi pai bel.. khe a pai nuam sa zaw ing.

Pa Mamuang

DAHPIHNA

Ni 7.10.2010 in Lia Cing Deih Kim kha 7 d/o Pa Hau Go Mang Murlen in khawsik natna hangin hong nusia hi.

Siat tuak innkuante Taangko Editorial Board in kithuakpih mahmah hi. Hehnem siam Topa Kha Siangtho in na khamuan ta hen. *Ed.*